

Vahhainduj
Laeuj fiz mbouj baenz vah,
Lwg yah hozndat lai.
Ngoenzneix dou gyauyuz,
Lwnh hawj vunzlai dingq.
Dwen daengz bouxlaeujfiz,
Mbanjmbanj yaek miz caez.
Seizseiz gwn laeuj fiz,
Ciengzciengz nyouh dwk vaq.
Vunzlai doengzcaez geiq,
Raeuz itdingh aeu gaiq.

Sai:
Boux sai mbouj gwn laeuj,
Daeuj lajmbwn guh maz?
Cog dai moh hwnj haz,
Ma bae gwnz set nyouh.
Mbwk:
It wnggai gaiq laeuj,
Vunz gaeujaen mbouj ndei.
Haemhlawz gwn laeuj fiz,
Beij vunzngawz lij huk.
Sai:
Boux sai aeu gwn laeuj,
Hek daeuj gingq guh caz.
Mbouj miz laeuj bae nda,
Baenz gijmaz baengzyoux.
Mbwk:
Ngeih mbouj ngah gwn laeuj,
Vunz gaeuj raeuz daiq yaez.
Haemh ninz din mbouj swiq,
Guh vunz mbouj seuqcingh.
Sai:
Danghnaeuz miz hek daeuj,
Aeu laeuj magyau cingz.
Haemhlawz mbouj swiq din,
Gou lingh ninz gizwnq.
Mbwk:
Sam wnggai gaiq laeuj,
Vunz gaeuj mbouj hwnj da.
Laeuj fiz da couh va,
Maxloh dang aencong z.
Sai:
Haemhlawz ndaej gwn laeuj,
Caeg daeuj gou mbouj lau.



Laeuj fiz ninz henz cauq,
Caeg lau mbouj gamj daeuj.
Mbwk:
Seiq wnggai gaiq laeuj,
Hek daeuj gangjum’um.
Caengz gangj couh vad fwngz,
Guengz gvaq vunz gvaq mbwn.
Sai:
Boux sai mbouj gwn laeuj,
Daeuj ndaem naz guh maz?
Miz cienz mbouj aeu baz,
Youq lajmbwn fouz yungh.
Mbwk:
Haj wnggai gaiq laeuj,
Vunz gaeuj raeuz mbouj hwnj.
Aeu yah hix mbouj baenz,
Mwngz raen loeng mbouj loeng.
Sai:
Baengh di laeuj miz heiq,
Baengh di laeuj miz rengz.
Mehmbwk gangj vah mengz,
Doxceng lai fouz yungh.
Mbwk:
Roek wnggai gaiq laeuj,
Caengz miz yah couh yiemz.
Laeuj fiz fatbag dem,
Yah ienqhoij haq mwngz.
Sai:
Danghnaeuz miz hek daeuj,
Mbouj miz laeuj mbouj baenz.

Byaekmaenz soengq souh saw,
Baenz gijmaz baengzyoux.
Mbwk:
Caet wnggai gaiq laeuj,
Fatheiq daeuj mbouj ndei.
Lwg yah de mbouj ngeix,
Hangzlaeuj byaij cien mbat.
Sai:
Boux sai mbouj gwn laeuj,
Gangj daeuj hix mbouj ndei.
Haemhlawz laeuj mbouj fiz,
Miz hong cungj mbouj guh.
Mbwk:
Bet wnggai gaiq laeuj,
Yah daeuj de hix lau.
Gwn laeuj fiz couh nauh,
Lau mbouj miz mingh ma.
Sai:
Gwn laeuj couh muengh fiz,
Guh hong couh muengh miz.
Caih laeuj fiz couh fiz,
Hongranz gou cungj guh.
Mbwk:
Gouj wnggai gaiq laeuj,
Vunz gaeuj baenz gaujvaq.
Gvaq giz cungj dwgcaengz,
Caenyoux bouxboux haemz.
Sai:
Gwn laeuj cij miz rengz,
Rengz hung guh hong ak.

Ak guh ndaej fatcaiz,
Caih gou gwn laeuj hom.
Mbwk:
Cib wnggai gaiq laeuj,
Hai ci cungj mbouj you.
Capci baenz gyayouz,
Gyaeuj ngunh roengz laj loh.
Sai:
Mbouj gangj gou caemh rox,
Hwnj loh cix aeu geiq.
Hai ci bae gizlawz,
It dingh mbouj gwn laeuj.
Mbwk:
Daj seizneix hainduj,
Baeznaengz aeu gaiq laeuj.
Hek daeuj cij ndoet di,
Naekcingz yiengj vuenyungz.

Vahsat
Sai caeuj Mbwk:
Geij coenz fwen gaiq laeuj,
Boux boux cungj aeu rox.
Gwn laeuj lai mbouj ndei,
Vunz gag rox cij baenz.
Baeznaengz laeuj mbouj gwn,
Hek ndei daeuj daengz ranz.
Doengz cimz di laeuj ndei,
Gangj riu angqfofo.
Vunz naeuz cingzngeih naek,
Gim caen beij mbouj gvaq.

·fwenraez·

Fwendanq Ciengq Hawj Bouxbing

唱给军人的赞歌

□ Bwz Ciu v az / 白俊华

Hot Daihsam——Duet buhbing roengz seizhaenx

第三首——脱下军装的那一刻

Seizhaenx daeuj daengz baenzneix dumdeng
Couh lumj gyanghaet ngamj dauqndiu
Bouz vunz, lij youq ndaw loq haemhlwenz
Gij cingzciet
Caeuq lwgda gyawj raeuh, caeuq seizgan gig gyae
Mienh geiz he
Lij youq rog swhsiengj seuqcingh
Deng rumz cifofo

Henz rwz, sing aenhauh baenzneix gok
Seizhaenx
Gou, lumjbaenz lij youq cancangz cung
Cungqganh youq fwngz, cungcig youq aek
Duj va he
Cingq youq laj din gou
Hai ok gig gyaeunde i de, yienh ok najriu de

Gobing baenzneix hungmbwk
Seizhaenx
Gou, lumjbaenz lij youq ndaw duivuj
Ngiengxyaeuj enjaek

Cungj heiqseiq gaenq cungbyoengq gwnzmbwn
Youq laj mbwnlamz fwjhau
Daihdangq doxhwnj, doxhwnj
Ingjciuq, gwnz cauhcangz sug
Ngaeuzndang yamq hung coh naj byaij

Seizhaenx, lumhlumh gij cieng venj youq gwnz mbaq
Lumhlumh gij veih venj youq hozbuh
Lumhlumh, gij doxgaiq gvendaengz bouxbing
Raemxda gou, lae ndaej baenzneix myigmyan
Lij miz gyoengq canyouj
Cungj caeuq gou doxgot
Gig yunghrengz,
Lumj boux vunz he

Caeuq lingh boux vunz
Habbaenz boux vunz he, doxyungz hwnjdaeuj

Seizhaenx, gou caen dwk yaek lizbae lo
Dang sing digheiq caiq yiengj hwnjdaeuj
Baihna j gou, mongsangsaeng
Vadvad fwngz ba
Canyouj ndeigyaez, ginhyingz gou faengz
Ciuhvunz neix caeuq mwngz
Miz baez he duenq ciuhgonq
Gij siengjniemh gou
Cawqdingh lij yaek caeuq mwngz
Youq bakroen baihlaeng, caiq doxbungz



Dahsau Bouxcuengh diuq foux domq